

Ах кемджанд харгълцлгъ кехяр США кезад чигн зүткджасн уга

НЬЮ-ЙОРК. (ТАСС). Августин 5-д СССР-н Министр-мүдин Советин. Ахлач Н. С. Хрущев США-н президент Д. Эйзенхауэрүр кесн илгавриг цуг газетс ахрар цаалгъдж, ил үзгдх ормстан барлдж, «Нью-Йорк геральд трибюн» болн «Нью-Йорк таймс» газетс болхла тер документиг бүклднй барлцхадж.

Советск правительствин толгъачин илгавриг Вашингтонд ямаран кевар тосна тускар газетс икар бичджацхана. Илгаврин текстиг цугтнй орчулгъдж авчкад, президент Эйзенхауэр зовчлдж күүндчкяд, Генеральн Ассамблейин сессий бачм кевар хурахин тускар Н. С. Хрущев огчях селвгт «мел бактдж болхмн» гидж герчлсна тускар сонъсхгдджана. «Ближневосточн кризисиг ООН-а Генеральн Ассамблейд күүндхд» США буру эс гишгон тускар Рио-Де-Жанейрод Даллесин кесн герчллгнй бас барлгддж.

Болсн бийнй, цаарандк цаалгъвмүдас, тер дотр ООН-д шишлнй баах США-н элч Лодж келсн үг газетд барлгдсар болхла, иим болдж гарчана: Генеральн Ассамблейин бачм сессий кехиг бурушахар эс седдг болв чигн, Ассамблейд күүндгдх төрнй — америкин болн англин цергүдиг Ливанас болн Иорданас гаргъхин тускар күүндхмн гисн Советск Союзин орулдж огчях селвг биш, июлин 18-д америкин орулдж огсн резолюцас иштагъяр, Ливана керг-төрт ОАР орлцджана гих баадлтя «Ливана заргъ барлгъяр» күүндвр келгъ күцхяр США күчлхяр седдждгдж.

Бийдән туста ямаран чигн формулировк батлулхд США-д кергтә тоота нокцачнрт Дамшг уга баалгънә Советд баанә. Болв теднә тиим баадлнй, Ближнй Востокин баадлиг чигн, ООН-а Генеральн Ассамблейин бачм сессий деер болх күүндәнә янзиг оньгдарулдж чадшго. Тер күүндәнә янз — Дамшг уга баалгънә Советд батлдж авсн формулар биш, америкин цергүд Ливана газр деер, англин цергүд Иорданә газр деер ода баах фактар йилгъгдх зөвтә.

Тавн государствин правительствин толгъачнрин совещань хурахд йосар болхла США Англи хойр бийснй харшлад баасн бийнй, тиим совещань кехас Советск Союз зүткджана гидж иткүлхяр седдг чирмалддж зарм газетсин болн заньгллгънә агентствсин зарм шинджлächнр эврәннй комментарийдән бичджацхана.

Ассошиэйтед пресс агентствин Вашингтонск шинджлäch Скали иигдж бичджанә: «Орсин толгъачнрта деед кемджанд бачм кевар харгъхин туст президент Эйзенхауэр болн государственн сегләтр Даллес кезад чигн мел дурта биш билә».

«Нью-Йорк таймс» агентствин корреспондент Рестон бичсар болхла, правительствин толгъачнрин харгългнй цуцлгън — зүгл американск йосн гардачнрин седклиг төвкнүлсиг, правительствин гардачнр ямаран чигн кевар харгългнй керг уга гидж США тоолдж сис илднй корреспондент бичджанә.

«Нью-Йорк геральд трибюн» эврәннй нүр статьядан Генеральн Ассамблейин бачм сессий болхиг йорәдж бичджанә. Сессин делегатнр нургълдж американск резолюциг авх гидж газет ицджанә. Америкин цергиг Ливанас гаргъдж авхин тускар, кезә гаргъдж авхнй болзг уга, хоосн үгмүдәрн США меньг кедж түүгән күцх санатадж. Колониальн орн-нутгуд Арабск Востокин дотр-дундин керг-төрт цааранднй чигн орлцхд зөв оггч шиидвр Генеральн Ассамблейд күчәр батлулдж авхар США ицджанә.

Болсн бийнй, «Нью-Йорк таймс» газет нүр статьядан, Генеральн Ассамблейин бачм сессий хурахд Вашингтон мел далагъяр дурлджахш гидж бичджанә. Сессий деер, «американск тенъгсин йовгнй цергин интервенцин тууджиг сандж, араб - азиат - африкск блок, латин-американск зарм элчнр чигн орсмудт авртә ик дөнй болад чигн баахмн» гилж газет бичджанә.